



Te Avae Setepa 1960

TE HEHEURAA API

Te Ô I Getesemane.

(*Maiaio 26.*)

E peū na Iesu i te mau taime atoa i parahi ai oia i Ieru. salema, i te haere atu i te ô i Getesemane ia pure. Ua ite Ta'na mau pīpī i te reira, e ua ite atoa hoi o Iuda ra.

I muri a'e i te Amuraa Maa Hopea ra, rave atura te Fatu ia Petero, Iakobo e o Ioane no te haere i roto i taua ô ra. Vaiiho atura oia ia ratou i te pae o te uputa o te ana ra, ma te ani atu ia ratou ia ara e ia pure hoi. Haere atura Oia i mua iti atu e i reira tuu atura te turi i raro e pure atura. Aita Oia i mātā'u ia pohe. Ua haere mai Oia i roto i te ao nei ia pohe no te hara a te taata atoa ra, area ra, e rahi roa ia To'na mau manui. Ua pure atu Oia i te Metua, "*Ia tupu rā to oe hinaaro.*"

Haamata ibora To'na manui no te mau hara a to teie nei ao i te tae mai i nia Ia'na. O te haamataraa ia o Ta'na Taraehara. No te rahi o To'na manui ua tahe mai To'na hou mai te toto putua ra. Haere maira te hoê melahi no te faaitoito mai Ia'na ra.

I muri a'e i Ta'na pure haere atura Oia i te vahi Ta'na i vaiiho atu i Ta'na mau pīpī, e inaha, te taoto ra ratou. Faaara'tura Oia ia ratou ma te parau atu, "*Eaha outou i taoto ai? A tia, a pure, a roohia outou e te ati.*"

E piti to'na pureraa'tu i To'na Metua ma te ani atu e, eita anei e tia Ia'na, ia hopoi ê atu Oia i te au'a ra, area ra, "*ia tupu rā, To Oe hinaaro, eiaha To'u.*"

E i taua na taime ra, ite atura Oia i Ta'na mau pīpī te taoto noa ra i te taime i au ia ratou ia pure atu ra.

E i To'na faaotiraa te toru o Ta'na pureraa ite atura Oia i te hoê tiaa taata rahi i te haereraa mai ma te mori e te rāmā, e o Iuda, Ta'na iho pīpī, te aratai ia ratou.

I roto i taua tiaa taata ra te vai atoa ra te mau faehau, te tahi mau Pharisea e te tahi pae o te mau tahu'a rarahi o te mau ati Iuda.

Aratai atura Iuda i taua mau taata ra i te vahi tei reira Iesu i te tiairaa. Ma te faahua pīpī maitai no te Faaora, na

ô atura oia, "*E Rabi, ia ora na.*", e haere atura e hoi atura Ia'na. O te tapao te reira tei faaaahia ra. Na ô atura Iesu, "*E Iuda, e haavare mai oe i te Tamaiti a te taata nei i te ho'i?*"

I reira fariu atura te Fatu i te mau taata tei apee mai ia Iuda, e ui atura ia ratou, "*O vai ta outou e imi na?*" Parau maira ratou, "*O Iesu o Nazareta ra.*" Na ô atura te Fatu, "*O vau nei hoi ia.*" E tei To'na parauraa'tui i te reira parau, otohe atura ratou i muri e hi'a tufera atura i raro i te repo.

E i reira ani faahou atura Iesu, "*O vai ta outou e imi na?*" Ua parau maira ratou, "*O Iesu o Nazareta ra.*" Ua parau atura Iesu, "*Ua parau atu hoi au ia outou e, o vau nei ia; te imi nei outou Ia'u ra, e tunu atu ia ratou nei ia haere na.*" Ua imi Oia i te ravea no te paruru atu i Ta'na ra mau pîpî.

E 'o'e ta Simona Petero, e i to'na iteraa ua fatata te ati Iuda i te haru i te Fatu, unuhi a'era oia ta'na 'o'e e tairi ihora ia Malako, te tavini o te tahu'a rahi, ma te tapu i to'na taria atan. Fariu atura Iesu ia Petero ma te parau atu, "*A oomo i to 'o'e i roto i te vehi: eiaha Vau e inu i te au'a a te Metua i ho mai Nau ra?*" I reira faaora'tura Oia i te taria o tana tavini ra.

E i reira haru maira te raatira e te mau feia rarahi o te ati Iuda ia Iesu e ruururu ihora Ia'na e aratai atura i mna ia Ana ra, te hoê o to ratou mau taata toro'a rahi ra. O te haamataraa te reira i te haavaraahia o Iesu ra. Pee atura o Petero ia Iesu i To'na aratairaahia i te fare o te tahu'a rahi, e ua na reira atoa hoi te tahi pae o te mau pîpî ra. Tono atura te tahi pae o te mau pîpî i roto ra, area o Petero ra, ua parahi noa oia i rapae. E vahine te tia i o te uputa o te fare e ua na ô mai oia ia Petero, "*E ere anei oe i te hoê pipi a teie nei taata?*" Na ô atura Petero, "*E ere au.*" O te hunaraamatamua ia te reira a Petero i te Faaora.

Ua tahu te mau tavini, e te mau feia toro'a i te hoê anahi i roto i te aumoa o te fare, e te tia atoa ra o Petero i rotapu ia ratou ra ma te tamahanahana atoa ia'na iho ra. I roto ra i te fare te ui noa'tura te mau tahu'a rarahi ia Iesu

ma te imi i te ravea ia parau mai Oia i te hoê parau a tia'i ia ratou i te faahapa la'na ra. Ui atura ratou la'na no nia i Ta'na mau haapiiraa aita ra ta ratou e ravea e mau ai Oia ia ratou i te marei. E i reira tuubia'tura Oia e Ana i mua ia Kaiapha ra, no te mea o oia ia te tahu'a rahi o te ati Iudara.

A tamahanahana noa'i o Petero ia'na i pihaiho i te anahi, parau atura te hoê taata e tia ra i reira, "*E ere anei oe i te pipi ana nei?*" Ua huna'tura oia, na ô atura, "*E ere au.*" E i reira parau maira te hoê fetii o te taata tei tapuhia te taria e Petero ra, o tei tia noa i pihaiho ia'na, "*E ere tei ite au ia oe i roto i te ô ra e oia atoa ra hoi?*" Ua huna faahou atura Petero, e aaoa ihora te moa i reira ra.

Marcel Bonnet

Te Parapauraa i To Tatou Metua Na Roto i te Pure.

Ia pure tatou, te paraparau nei ia tatou i to tatou Atua. Mai te matamua mai â o teie nei ao, ua riro te pure ei tufaa mau no te Evanelia a te Mesia. Ua parau maira te hoê melahi ia Adamu, na ô maira, "*No reira, o te mau mea atoa ta oe e rave ra, e rave ia oe i te reira i te i'oa o te Tamaiti, e e tatarahapa oe e a tiaro i te Atua i te i'oa o te tamaiti e a muri noa'tu.*" (Matheo 5:8).

Ia noaa te ora, ia pee te mau taata'toa i tana e'a ra e tia'i. Ia ore ana e te pure, aore roa e ora e vai nei.

E ere i te mea tia ia pûpû atu i te mau pure maoro e te haumani i to tatou Atua, i te haamataraa e aore ra i te faaotiraa o te pureraa amuiraa, Eiaha'toa e faahiti pinepine noa i To'na ra i'oa. Ia rahi te parau rii faufaa ore, e ore roa te Atua e mauruuru, e oia'toa hoi, te mau melo o te Ekalesia. No na miniti e piti e haamata'i i te mau hora pureraa amuiraa atoa, e na te afa o te miniti e faaoti i taua mau pureraa ra.

“*E ia pure outou ra, eiaha ia rahi te parau rii faufaa ore mai ta te mau Etene ra; o te mana'o e tei terahi o te parau e itehia mai ai ratou.*

Eiaha rou e pee atu ia ratou, ua ite hoi to outou Metua i te mau mea e au ia outou, hou outou i ani atu ai Ia'na.” (Mataio 6:7-8).

Tera ra, e nehenehe noa ia haamaoro i ta tatou iho mau pure huna mai te au i to tatou hinaaro. Ua pure noa Enosa i te Atua, “*e hope a'era te ao, oia ia, e ahiahi ihora.*” (Enosa 4)

“*E pure i roto i to outou mau fetii i te Metua na roto noa i to'u ra i'oa, ia haamaitaiahia ta outou mau vahine e te mau tumarii hoi.*” (III Nephi 18:21)

O te a'o teie a te Ekalesia, oia hoi, ia faatupu i te pureraa fetii e piti taima i te mahana, i te poipoi, e i te ahiahi hoi, hon tatou e amu ai i te maa. Ia oti ana'e te pureraa fetii, faaoti i te tahi pure no te maa no te mea e mea taa-e te pureraa fetii i te pure no te maa.

Ua a'o maira te Fatu i to te ati Nephi, na ô maira.

“*Inaha, amene, amene, e parau atu vau ia outou na, ia ara e ia pure ma te tuutuu ore e tia'i; ia ore outou ia roohia i te râmâ, i hinaaro na hoi Satani ia outou, ia ueue oia ia outou mai te sitona e ueuehia ra; . . . E te mau mea atoa ta outou e ani i te Metua i to'u ra i'oa, o te tia ia, a faaroo ai e noaa taua mau mea ra, e noaa ia ia outou.*” (III Nephi 18:18-20)

Ia tamauhia e ia faufaahia hoi ta tatou mau pure i te ao ra, ia pure tatou ma te faaroo e te aau hinaaro mau e tia'i.

“*Inaha hoi, ua oti i te parauhia e te Atua e, o te taata ino noa'i, aore i tia ia'na i te rave i te mea maitai ra; ia hopoi hoi oia i te mea horoa noa e ia pure hoi oia i te Atua ma te mana'o ore, e ore oia e faufaahia e hoê iti a'e.*” (Moroni 7:6)

E pure atu râ tatou i te Metua ma te puai hope o to aau. (Moroni 7:48)

“Eiaha oe e pure mai ta te mau taata o Zorama ra, no te mea ua ite oe e, te pure ra ratou ia itehia e te taata, e ia aruehia no to ratou paari.

Eiaha oe e parau atu e, E te Atua e, te haamaitai nei au ia oe no te mea ua hau ta matou haapao maitai i ta to matou mau taeae; ia parau atu iâ e, E te Fatu, e faaore i to'u au ore, e haamana'o i to'u mau taeae ma te aroha oia ia a faaite atu i to oe au ore i mua i te Atua i te mau tainie atoa ra.” (Alama 38:13-14)

Eaha ra te mau haamaitairaa tei tia ia tatou ia titau na roto i te pure?

E pahonoraa faanruhia mai teie tei holoahia mai e Amuleka.

E tena na, ia horoa mai te Atua ia outou e to'u mau taeae, i te faaroo e tupu ai te tatarahapa, ia tiaoro atu outou i To'na ra i'oa mo'a, ia aroha mai Oia ia outou; Oia ia, ia tiaoro atu outou Ia'na ia aroha mai; e puai rahi hoi To'na ia faaora; Ia tiaoro atu outou Ia'na a tia'i ai outou i ta outou mau faaapu; Oia atoa, a tia ai i ta outou mau nănă; Oia ia, ia tiaoro atu outou Ia'na i te nănă o to outou mau enemi. Oia ia, ia tiaoro atu outou Ia'na no te Diabolo, o te enemi hoi oia o te parau-tia atoa ra. Ia tiaoro atu outou Ia'na i to outou auhune i to outou faaapu ra, ia manuia outou i te reira.

E i reira oia i a'o mai ai i te mau taata'toa ia ora mai te au i ta tatou e pure nei, e ia rave i te ohipa parau-tia ia tia ia tatou ia noaa mai i te mau haamaitairaa i ta tatou e pure nei. (Alama 34:17-29.)

E no reira, ia pure tatou, ia faanahonaho i to tatou mau mana'o, e ia pee tatou mai tei papaihia iraro nei e maitai ai.

1. E haamata te pure mai te faahiti i te i oa o to tatou Metua i te ao ra.
2. E haamauruuru Ia'na no te mau haamaitairaa e vai-mau-nei i roto i to tatou aau.

3. E ani atu Ia'na no te mau haamaitairaa tei aratai ia tatou i te mau e'a o te oraraa parau-tia, e oia'toa, i te Ora Mure Ore.
4. E faaoti te pure, "*Na roto i te i'oa o Iesu Mesia ra Amene.*"

Kê Orometua

Te Faaite Parau Mau.

Mataio 21:23-25.

E tae maira Oia i roto i te Hiero, ua haere maira te mau Tahu'a rarahi e te feia paari i ô ratou ra, i pihaito ia'na i ta'na ra haapiiraa, ua na ô maira, Ovai te tumu i teie nei mau mea ta Oe e rave nei? E na vai i horoa mai i teie nei mana ia oe? 24 Ua parau atura Iesu ia ratou, na ô atura; E ni atoa'tu Vau ia outou i Ta'u, e ia faî mai outou ra, e faî atoa'tu vau ia outou i te tumu i Ta'u nei mau mea e rave nei. 25 Nohea te bapetizo a Ioane? no te ra'i mai anei; e na te taata anei? Ua feruri ihora ratou ratou ibo, na ô a'era, Ia parau tatou, No te ra'i mai, e riro Oia i te parau mai e, Eaha ihora outou i ore i faaroo atu ai Ia'na? 26 Ia parau ratou, Na te taata; te mātā'u nei hoi tatou i te taata, te parau nei hoi te taata atoa e, e peropheta mau Ioane. 27 Ua parau maira ratou ia Iesu, na ô maira, Aore matou i ite. Ua parau atura Iesu ia ratou, E ore atoa vau e faaite atu ia outou i te tumu i rave ai au i teie nei mau mea.

Uiraa Eaha ta tatou vahi e hinaaro nei, atahi ovai te tumu i rave ai Iesu i teie nei mau ohipa, apiti, no hea mai To'na mana.

E tia mai i te tuatiraa i te avae i mua nei

Marurai ā Mahuru

Cet article marque le commencement d'une série de sujets traités par le Prophète David O. McKay, contenus dans un livre titré *Les Sentiers Au Bonheur*, qui fut compilé par Llewelyn R. McKay, le fils du prophète. Nous exhortons nos lecteurs et nos lectrices à lire de façon soigneuse ces extraits, car ce sont les paroles d'un Prophète vivant de Dieu, et ces conseils s'appliquent directement à nous à notre époque. Comme l'Eternel l'avait dit à Ezéchiel, "Quand ces choses arriveront, et voici, elles arrivent! - ils sauront qu'ils y avait un prophète au milieu d'eux." Ezéchiel 33:33

Ce Que Ma Foi Signifie Pour Moi.

Le Prophète David O. McKay

Le séjour terrestre de l'homme peut se faire comprendre en trois termes: ce qui était, ce qui est, et ce qui sera. Le "Mormonisme" m'indique la vraie philosophie de ces trois sujets. Il explique le passé; il est un guide sûr pour le présent; il dévoile l'avenir.

Il me donne l'assurance que Dieu est en vérité mon Père, et qu'ainsi, j'ai du hériter son immortalité. Parmi les théories indécises et oisives jadis avancées pour essayer d'expliquer l'origine de l'homme, cette explication de mon commencement est l'ancre de mon âme. Quant à l'état prémortel de l'homme, je me réjouis du fait que "il était au commencement avec le Père."

Ma foi m'est un conducteur infaillible pour la présente existence, une solution finale aux problèmes de la vie. Elle m'enseigne que seule par l'effort de l'individu peuvent s'obtenir la vraie réussite et le vrai bonheur. Seulement par la chasteté et la pureté des pensées, des paroles, et des actions pouvons-nous nous jouir pleinement de l'inspiration du Seigneur.

Il n'y a pas d'Aristocratie de naissance dans le royaume de Dieu, ni de récompense vraiment éternelle pour l'individu qui lui parvient de l'excellence du caractère d'un autre. Chacun doit travailler pour son propre salut. Cette vie est en fait un jardin où chaque personne cueille le fruit prove-

nant des semences qu'elle a plantées. Si l'on plante de mauvaises herbes, on moissonnera alors les herbes. Si l'on plante des fleurs et des graines utiles, de belles fleurs et de la riches moissons seront récompensées. Mais une moisson abondante résulte seulement de la culture soigneuse et intelligente.

Quoique je n'aie fait qu'entrevoir l'étendue de l'Evangile, cependant, il comprend pour moi toutes les conditions essentielles pour le développement de la vie humaine, tant physique qu'intellectuel, tant moral que spirituel. En y obéissant, le corps deviendra pur et sans tâche, et l'esprit s'accordera avec l'Infini.

Ma foi est une inspiration constante qui me pousse à toujours chercher la vérité; à chercher constamment "tout ce qui est vertueux, aimable, de bonne réputation ou digne de louanges."

Ma foi ainsi que mon coeur me rassurent que la possession la plus chère à l'homme est sa famille. Dans l'Evangile, nous avons l'assurance divine que les liens du sang dépassent les bornes de la mort, et continueront pendant les âges sans fin de l'éternité. Ainsi, ma foi m'est plus chère que toutes autres choses au monde, car elle me donne la conviction que lorsque le voeu du mariage porte le sceau de la Sainte Prêtrise, qu'il est aussi éternel que l'amour, aussi perpétuel que l'esprit.

L'Evangile signifie la vraie philosophie de la vie. Il comprend notre naissance, qui n'est qu'un "sommeil et un oubli"; notre existence actuelle, qui est une école où nous apprenons par l'expérience les grandes leçons de la vie; notre avenir, qui, si nous "passons avec honneur," est une existence éternelle où, comme les êtres personnels, progressants, nous vivions à jamais au royaume éternel de Dieu. "Les étoiles perdront leur éclat, le soleil lui-même se fanera par l'âge, et la nature s'enfoncera dans l'oubli des années; mais l'homme fleurira dans la jeunesse immortelle, indemne parmi la guerre des éléments, la ruine de la matière, et le fracas des mondes."

Jerry Curtis

Te Sabati Mahana Hitu.

Haapiiraa Hoê

Uiraa. Ua haa mo'a anei Iesu i te Sabati mahana hitu?

Pahonoraa. Aita, Exodo 20:8, E haamana'o i te mahana Sabati ia haamo'ahia ia. 9 E tia ia oe ia haa, e ia rave i ta oe mau ohipa atoa i na mahana e ono ra; 10. area te mahana hitu ra, o te sabati ia no to Atua ra no Iehova; eiaba roa oe e rave i te ohipa i te reira mahana, o oe, e to tamaiti atoa, e to tamahine, e to tavini tane, e to tavini vahine, e to mau puaa atoa ra, e te taata ê atoa i ò oe ra. 11 E ono hoi o Iehova mahana i te hamaniraa i te ra'i e te fenua, e te tai, te mau mea atoa i roto ra; area te mahana hitu ra, faaea i hora oia i te reira: i haamaitai ai Iehova i te mahana sabati, e na haamo'a i hora hoi i te reira. No reira, o tei bea ia ta Iesu Sabati i haamaitai, e i haamo'a hoi? Pahonoraa, o te hitu ia o te mahana, i Ta'na tai'oraa, oia hoi, te hitu tautani o te matahiti, a faaoti ai Oia i te hamaniraa i te ra'i e te fenua e te ta'i, e te mau mea atoa i roto ra. Tai'o i te Genese 2:1-3. Exodo 20:11. Ua faahapa'tu anei te Ati Iuda ia Iesu no To'na rave ra i te ohipa i te mahana Sabati? Oia mau ia, tai'o i te Evanelia a Ioane 5:10-24. Tai'o atoa i te Evanelia a Mareko 2:23-28. Ua riri roa Iesu i taua mau Faritea ra no taua pariraa ra, tai'o i te Mereko 3:1-5.

Haapiiraa piti

No te mau mana i horohia mai i te mau Aposetolo ei faaoti i te tahi mau ohipa o te Ekalesia.

Ua horoa o Iesu i te mana i te mau Aposetolo na ratou e huri ite feia faaroo ore i rapae i te Ekalesia a Iesu Mesia. Tai'o i te Mataio 18:15-18.

Te Piti, o te mana i horohia. Ua horoa Iesu i te mana, ia Petero ana'e e na'na e farii i te Etene i roto i te Ekalesia a Iesu Mesia, tai'o i te Mataio 16:19.

Te Toru. Ua horoa Iesu i te mana ia Petero na'na e tia'i i te Ekalesia a Iesu Mesia. Tai'o i te Ioane 21:15-17.

Te Maha o te mana. Ua horoa Iesu i te mau Aposetolo i te mana no te faa-ore-raa i te hara a te ati Iuda. Tai'o i te Ioane 20:19-23.

Uiraa. Eaha te hara a te mau Ati Iuda tei vaiihohia na te mau Aposetolo e faaore?

Pahonoraa. O to ratou aniraa atu ia Pirato e huri mai nia ia matou i te utua o te toto o Iesu e ei nia atoa i to ratou mau tamarii. Taio oe i te reira paran i roto i te Mataio 27:24-25.

Uiraa. Ua faaore anei te mau Aposetolo i taua hara ra?

Pahonoraa Aita. Mai teie ra te huru, ia tatarahapa ra ratou e ia Bapetizohia i roto i te i'oa o Iesu Mesia. Te taata ta ratou i parau ra e, e faasatauro atu e matara ia taua hara ra. O te ore e tatarahapa e aore e Bapetizohia i roto i to Iesu i'oa, aita ia ta'na hara e matara e vai noa ia ta'na hara i nia ia'na iho. A tai'o te reira faaiteraa i roto i te Ohipa 2:32-41.

Te pae, o te mana i horoahia. Ua faataa te mau Aposetolo i te Mahana Matamua o te Hepetoma Ei Mahana Sabati na te Ekalesia, oia hoi, e mahana pureraa e ei mahana mo'a no te Ekalesia a Iesu Mesia. A tai'o te reira parau i roto i te Ohipa 20:7.

Ua faarii Iesu i te mau ohipa a te mau Aposetolo i faaotiia. A tai'o te reira parau i roto i te Buka Fafau Sanito 59:2; Buka Fafau a te Ekalesia 59:7-9.

Tera mai teie nei mau haapiiraa o tei faanehenehebia no te hape o te mau ruri-raa-hia o te Sabati mahana mo'a o te Sabati a te ati Iuda o tei faahapahia e Iesu Mesia i te Fafaa Apî o tei faarirohia tana hape ra e ~~te faarirohia~~ e te Ekalesia Mahana Hitu, ei tia no ratou i teie tau hopea. No reira a tai'o maitai e te mau taata tai'o ve'a ia ite outou i te mahana matamua, oia hoi, o te mau mahana hopea nei. O te mahana i tia mai ai to tatou Fatu o Iesu Mesia a reva'-tu ai oia i nia i te ra'i o tei papaihia i roto i te Salamo 24:7-9. Eiaha e haapii te mau taata i te mau haapiiraa hape e te tia ore.

Temuriaroha â Taamino


E Parau Taa-e-raa no te Peresideni Misioni E To'na Utuafare.

Ua faaitehia i roto i te ve'a i te ava'e i mairi a'enei te parau no te Peresideni Misioni apî o Kendal Yonne e to'na utuafare. E te parau faaite e, ua maitihia matou no te hoê ohipa i te misioni i Samoa ra. Noa'tu aita â i faataahia te taine no te tauiraa, aita roa matou i fiu i to matou faaeareaa i ô nei, e reva ihoa matou ma te patoi ore ia tae mai taua faaueraa ra, no te mea, ia anihia te taata e te Peropheta o te Atua ia haere i te hoê vahi e rave i te ohipa, tei reira ia te vahi maitai no'na e te ohipa e tano na'na i rave. Noa'tu e fernuri te taata e, e ohipa rahi e te teiaha roa tei faataahia na'na ra, e oti ihoa te ohipa mai te mea e haamata oia i te reira ma te itoitō, ma te faaroo e te tiaturi i te tauturu na te Atua i taua ohipa ra, e oti ihoa i te reira opuaraa mai te parau ta Nephi i faaite atu i to'na metua tane ia Lehi, a faauehia'i ratou e to'na mau taeae i hoi atu i te fenua no te mau api auro. "E haere atu van, e rave hoi i te mau mea ta te Fatu i faaue maira, ua ite hoi au e, e ore te Fatu e tuu mai i te hoê faaueraa i te mau tamarii a te taata maori ra e faaineine Oia i te hoê ravea no ratou, e tia ia ratou i te rave i te mea ta'na i faaue mai ia ratou ra." I Nephi 3:7.

Te faaite atu nei matou i to matou mauruuru no to matou faaeareaa i teie na matahiti i rotopu ia outou mai te mahana matou i tapae mai ai e tae roa mai i teie nei. Ua farerei atu matou i te tahi mau Amaa i roto i teie na matahiti e ua tupu to matou oaoa i te farerei ia outou e ua riro outou ei mau hoa no matou. Tirara te mea tei faatupu i te peapea ia matou nei, no te ino raa o te machine i roto i to tatou pahî o Paraita, aita matou i tae atu i te mau fenua atoa i te pae o te Tuamotu. Ua farerei ra matou i te tahi o outou o te mau taata o te Tuamotu, o tei tere mai i Tahiti nei. E rave rahi te mau taata ta'u i matou i te matamua (1934-1937) Ia'u

afaaea ai ei orometua, ua faaterej faahou tatou e na riro te reira ei mea oaoa ia'u nei.

Ua itehia e matou to outou maitai e to outou hinaaro ia haapao i te mau ohipa a te Faru i teie pae au, no reira ua mauuuru matou i te mau mea ta matou i ite a ratere atu ai matou i tera vahi e i tera vahi. Ua mauuuru matou i te mau taata tei maitihia ei feia faatere i nia i te mau Amaa no te Ekalesia e te mau pūpū i roto i tana mau Amaa ra, o



outou hoi o tei maitihia ei mau Orometua haapii no te mau pūpū i roto i te mau Amaa. Na roto i to outou ta-hoê-raa i nia i te mau ohipa a te Faru ua riro outou e mau tavini maitai Na'na ra e ua riro outou ei tia'i i to outou mau taeae. E ita ia e moe ia matou i te mau taata tei faarii maitai i te mau haapiirae i haapiihia e te mau orometua e tei anraro e tei tauturu i te feia faatere i roto i te mau titauraa ia tauturu i te ohipa a te Faru, Aore roa i mo'e ia matou i te faarii maitairaa na roto i ta outou mau tautururaa.

Ua here roa matou ia outou, e te parau atu nei matou ia outou e, mauruuru, no to outou here, to outou aroha, e te mau tautururaa ia matou, e i te mea e ua faarii-maitai-hia matou e outou e to te mau fenua atoa. Ua ite matou e e feia herehia outou e te Atua, no te mea ua horoa mai oia i teie mau fenua nehenehe ei ai'a no outou.

Te ani atu nei matou ia outou ia faaitoito â outou i te imiraa i te mau mea maitai, te mau mea nehenehe e te mau mea parau mau e te parau tia, no te mea e, no ô mai i te Atua ra te reira, e na te reira ra mau mea e faatiamâ ia outou ia tae atu outou i mua i te Fatu. E haamana'o noa matou ia outou e tae noa'tu i te hopea o to matou oraraa, no te mea, na tanu outou i te huero o te here, e te aroha i roto i to matou mafatu, e ua tupu te reira i te rahiraa, e te tupu noa nei â.

Te ani atu nei matou ia outou ia taio i te mau papairaa mo'a e te mau buka haapiiraa i faaineinehia e te misioni nei ia papu to outou ite e, e parau mau te evanelia i haapiihia'tu ia outou. Te parau atu nei matou ia outou na. o te Ekalesia mau teie, oia hoi, Te Ekalesia a Iesu Mesia i te Feia Mo'a no te Mau Mahana Hopea Nei e e Peropheta mau Iosepha Semita na te Atua. Te faarii noa nei hoi te Peresideni ra o Davida O. Make i te mau heheuraa no te aratairaa i te ohipa na te Ekalesia i teie nei mau mahana. No reira i roto i te mau mahana i mua a tantu mai outou i te Peresideni Misioni apî, e to'na utuafare e te mau Orometua mai ta outou i tantu mai ia matou i roto i to matou tau i teie pae au. E mea papu e imi ratou i te mau ravea atoa ia tupu te ohipa i te rahiraa i teie pae, e mai te mea e tahoê-maitai-hia outou atoa e mauu'a atura ia.

I roto i teie parau taa-ê-raa te pure atu nei matou i te Atua ia tantu noa mai ia outou i roto ta'na ohipa i teie pae. E noa'tu te oto i roto i to matou aan i teie taa-ê-raa, te oaoa nei matou no to tatou tiaturi papu raa, e farerei faahou tatou i roto i ta'na ra Basileia hanahana.

Iosepha R. Reeder

PARAU RII API

Te Faatiaraahia te Hoê Titi Apî i Canada

I te mahana Sabati i te 21 no Atete ua haere atu na taata toroa toopiti ra no te Ekalesia, oia hoi, o Mareko E. Peteresona e melo oia no te pŭpŭ ahuru ma piti Aposetolo, e o Alama Sone râ no te pŭpŭ tauturu i te pŭpŭ ahuru ma piti Aposetolo i te fenua Canada. E i raro a'e i ta raua faatereraa ua faatia faahonhia te hoê Titi apî o te Ekalesia i te oire ra Toronato. O te 300 raa ia o te Titi i roto i te Ekalesia.

Te oire pu Toronato no te Misioni ia i parauhia te Misioni i te hitia o te râ i Canada. Te rahiraa o te meloraa i roto tana Titi apî ra, e 2,200 melo. Ua haamatahia te ohipa misionare i te oire Toronato e ono matahiti na muri a'e i te faatiaraahia o te Ekalesia, oia hoi, i te matahiti 1836. Te rave ra o Pare P. Paraita te hoê o te tino ahuru ma piti Aposetolo i te ohipa pororaa Evan-elia i reira i taua matahiti ra e ua riro o loane Tela o te riro i muri a'e ei Peresideni no te Ekalesia, o te hoê ia mau taata o tei faafariuhia e tei baptizohia e ana ra.

Ua pau fatata hoê hanere matahiti i te roaaraa mai te 100 Titi matamua, oia hoi, mai te matahiti 1830 e tae noa mai i te matahiti 1921. Te piti o te 100 Titi ua faatiahia ia i roto i na matahiti e 29, area râ e hitu e te afa noa iho matahiti tei pau i te tupuraa no te toru o te 100 Titi i faatiahia i roto i te Ekalesia nei.

Te Mau lo'a o te Mau Taata i Faafariuhia Mai e tei
Baptizohia e tei Faatoroahia i te Autahu'araa.

Bepetozoraa

30 Tiurai.	Bernadette â Orbeck . . .	Papeete	I
	Teriha Nee â Kapikura . . .	Papeete	I
31 Tiurai.	Fariua Tamu â Tetohu . . .	Papeete	I
	Marie Tefaatau Snow â Tahutini	Papeete	I
	François Tafai â Tahutini . . .	Papeete	I

Factoroaraa

3 Tiurai	 ,	Tevaitoa Raiatea
		Tutemaevaroa â Mehao Diakono
		Manafennaroa â Tehaai Diakono
24 Tiurai		Papeete I
		Tuhoe Tekehu â Mauati Peresibutero
		Raymond Toae â Mariteragi Diakono

Te Hohoa No Ta Tatou Ve'a Te Fare Haapiiraa "Brigham Young University"

Te hoho'a no ta tatou ve'a no te ava'e Setepa nei, o te hoho'a ia no te hoê fare haapiiraa teitei (College), na te Ekalesia i faatiahia i te oire ra Provo i te tufaa Utaha i te fenua Marite, i te matahiti 1875, o tei parauhia "Brigham Young University" o oia hoi te piti o te Peresideni o te Ekalesia nei. Ua tupu maitai noa teie nei fare haapiiraa e te mau ohipa atoa tei ravehia i reire e tae noa mai i teie nei taimē, e ere ia hoê noa iho fare i reira, e maha ahuru ma vau ra fare i roto i taua aua ra, te haapiihia nei te ite no te mau huru toroa atoa e rave rahi, ua hau to'na faito i te 15,000 pipi o te haere nei i reira no ô mai i te mau tufaa fenua atoa o Marite, e e rave rau to te mau fenua éé, mai ia Canada, Mexico e Hawaii. O Ereneta O. Wilikinasone (Ernest O. Wilkinson) ia te Peresideni no taua fare haapiiraa ra, e te vai ra to'na mau tauturu, e tei raro a'e atoa i ta ratou faatereraa i te mau haapiiraa a te Ekalesia i te ao taatoa nei, e tae roa mai i te mau haapiiraa i te area o Patitifa nei, mai te fare haapiiraa i Hawii i Tonga e i Nutilani. I teie iho ava'e nei ua hoohia mai e te Ekalesia te hoê fenua rahi i te tufaa fenua i Arizona i Marite note faatia-raa i te tahi atu fare haapiiraa (College) o te riro ei tauturu e ei faaineine i te mau taata apî no te oraraa maitai.